



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Labour, Social Policy, Displaced  
Persons and Refugees**

Broj: 13-02/01-05-28145-7/19  
Sarajevo, 19.08.2019. godine

**SKUPŠTINA KANTONA SARAJEVO**  
**Služba za skupštinske poslove**  
**- O v d j e -**

**KANTON SARAJEVO**  
**Stručna služba Vlade**  
**N/r Sekretara**  
**- O v d j e -**

Zastupnica Bibija Kerla je na 12. Radnoj sjednici Skupštine Kantona Sarajevo, održanoj dana, 24.07.2019. godine, u okviru tačke Dnevnog reda „Poslanička pitanja, inicijative i odgovori“, a u skladu sa Poslovníkom Skupštine Kantona Sarajevo, postavila zastupničko pitanje:

**“Kada će Vlada Kantona Sarajevo donijeti zakon o alimentacijskom fondu kako bi se zaštitila prava djeteta?”**

**ODGOVOR:**

U Ministarstvu za rad, socijalnu politiku, raseljena lica i izbjeglice Kantona Sarajevo zaprimljeno je gore navedeno pitanje zastupnice Bibije Kerle, a koje je sa pažnjom razmotreno u okviru ovoga ministarstva i na koje dajemo slijedeći odgovor:

Porodičnim zakonom Federacije Bosne i Hercegovine ("Službene novine Federacije BiH" br. 35/05, 41/05 i 31/14) uređuju se: porodica, brak i pravni odnosi u braku, odnosi roditelja i djece, usvojenje, starateljstvo, pravni učinci vanbračne zajednice žene i muškarca, prava i dužnosti članova porodice u Federaciji Bosne i Hercegovine, te postupci nadležnih organa u vezi sa bračnim i porodičnim odnosima i starateljstvom. Nadalje, predmetni zakon propisuje, između ostalog, i pitanja izdržavanja djece, roditelja i drugih srodnika, određivanje izdržavanja, te postupak pred sudom u sporovima o izdržavanju.



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33  
562-090  
Sarajevo, Reisa Džemaludina Čauševića 1



Nadalje, članom 237. Porodičnog zakona je propisano da kada sud utvrdi da roditelji i druge osobe koje su obavezne davati izdržavanje nisu u mogućnosti podmirivati potrebe izdržavanja djeteta, obavijestit će o tome organ starateljstva koji je dužan osigurati sredstva za izdržavanje djeteta iz budžetskih sredstava Federacije.

Međutim, prema informacijama koje imamo iz Javne ustanove "Kantonalni centar za socijalni rad", a koja je prema odredbama Porodičnog zakona utvrđena kao organ starateljstva, navedeni član se ne implementira jer u budžetu Federacije nisu obezbijedena sredstva za isto.

Imajući u vidu sve navedeno, kao i činjenicu da je pitanje izdržavanja regulisano odredbama Porodičnog zakona, te da ovo ministarstvo nema nadležnost po ovom pitanju, smatramo da se uređenje navedenog, jedino može realizovati kroz izmjene i dopune predmetnog zakona na način da se navedenim dodatno precizira način realizacije člana 237. Porodičnog zakona, odnosno da se u budžetu Federacije obezbijede sredstva za njegovu implementaciju.

S poštovanjem,

Pripremila: Smaragda Lučkin, stručni savjetnik  
Kontrolisale: Cica Pljevljak, šef Odjeljenja  
Slavica Gorančić, pomoćnik minis

Dostavljeno:

1. Naslovu,
2. ministru,
3. a/a.



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33 562-090  
Sarajevo, Reisa Džemaludina Čauševića 1



Quality management system  
ISO 9001  
• Customer focus  
• Customer satisfaction  
• Continuous improvement  
• System processes effectiveness  
ID 15 100 63886

www.iso-9000.org.de